

---

# Die Hohe Nacht des Herrn

---

## Die Hohe Nacht des Herrn

S'is Zeit, daß ma a Liacht o'zündt  
und a wen'g lusat wer'n  
Jesaja hot's uns angekündt  
de Hohe Nacht des Herrn.

Zwoa Kerz'n am Adventskranz dro  
de leucht'n wia zwoa Stern  
do hod's in uns a Tür'l aufdo  
zur hohen Nacht des Herrn.

Dann flackern scho drei Kerz'n auf  
s' is Weihnacht nimma fern  
und da Zoaga nimmt sei'n Lauf  
zur hohen Nacht des Herrn.

Vier Kerz'n brennan auf oa'm Fleck  
ma' ko scho s'Klingl'n hör'n  
den s'Christkind is scho auf'am Weg  
zur hohen Nacht des Herrn.

Da Christbaam strahlt im Kerz'nschei'  
a Kind'l kam auf d'Erd'n  
d'rum loß ma jetz'at s'Christkind rei'  
s' is Hohe Nacht des Herrn.

*Autor: Josef Albert Stöckl, Kirchdorf bei Haag/Oberbayern*

*Titel: Die Hohe Nacht des Herrn*

*Copyright: by Josef Albert Stöckl*

*gepostet von Albert Stöckl*

*Date: Sun, 5 Dec 2004 12:33:39 +0100*

→ [Alle Josef Albert Stöckl Gedichte auf den Feiertagsseiten](#)

---

<http://www.weihnachtsseiten.de/weihnachtsgedichte/autoren/s/stoeckl/die-hohe-nacht-des-herrn/home.html>

---

Die Weihnachtsseiten (<http://weihnachtsseiten.de>)  
Copyright © by Josef Dirschl, [weihnachtsseiten.de](http://weihnachtsseiten.de) - [info@weihnachtsseiten.de](mailto:info@weihnachtsseiten.de)

ALLE RECHTE VORBEHALTEN / ALL RIGHTS RESERVED